

# مجموعه ابو الخضر

ماسوا شائبه سندن دلی تطهیرہ پالاش  
پر تو حکمت و عرفان الیہ تنویرہ آتش

هر ماه عربی ابتدا سیله اون بشده نشر اول نور فنون مجموعہ سیدر .

جزو ۳۲ [ فی ۱۵ ربیع الآخر سنہ ۱۳۰۰ ] [ نسخہ سی ۳ ] فروش

صاحبیه قطعاً اهمیت و بر میه رُک وجوده کثیر دیکه دمیری هندی بجاغنه  
وقاشق صاپنه ربط ایلر ایش .

بو ایکی صاحب هزدن صگره مشهور اولان اوستالردن بری  
[فنی] و دیکری [یعنی] در که حقیقه صنعتلرنده کی مهارتلرینه الیوم ایدی  
اصحاب قلمده موجود قلمتراشلی بر بر بهان قاطع در .

دها صگره لری یعنی عصر حاضر اوائلنده [صافی] [کالی]  
[صدقی] و [بروسه لی حسنی] کی مشهور قلمتراشجیلر ظهور ایش  
وهله بونلرک ایچنده صافی [کاتبی] دنیلان شکله کی قلمتراشیلله اشتهار  
ایش ایدی .

زمانعزده ایسه الک مشهور قلمتراشجی [حاجی رسمی] نامنده بر  
درویش ایدی که اگر عمری وفا ایش اولسه ایدی قلمتراشجیلر صنعتنده  
سلفده کچن مشاهیرک ناملرینی اونوتدیرمقلغی مستبعد دکل ایدی .  
درت بش سنه مقدمه کلنجیه قدر برده [عزیمی] وار ایدی که  
رسمییه معادل اولماقله برابر مرحومدن صگره الک اوستاد بر قلمتراشجی  
ایدی . حیفاکه آنکده ارتحالی سبیلله الیوم بوسنتنده صاحب مهارت  
کیسه قلامشدر .

### فن منافع الاعضایه متعلق بر حادثه

[وجود انسانیده بر ایکنه نک سیاحتی]

عنوانده کی غرابت حکایه ایده جکمز شیئه ارباب مظالمه  
ایناقمقدن منع ایدرسه مسئولیت بزه عائد دکلدر . اگرچه وقعه دیار  
آخرده ظهور ایش ایسه ده (فیرنولورژی) دنیلان و فن منافع الاعضایه  
تعیریلله تعریف ایدیلان علم مخصوص اربابی عننده بو درلو حادثهلر  
حالات عادیه دندر .

بناءً علیه بویه شیلرک امکان و امتناعنه حکم ایتک یالکز ارباب  
فئونه عائددر؛ زیرا مواد فئیده فنون آشنای اولیانلرک رأیی بر عطارک  
اجرای طبابت تصدیسنده بکزر .

وقعه

آمریقاده لیوسیویل شهرنده نشر اولنان [قوریه] غزه سندن  
نقلاً پارسک طب مجموعه سنده مطالعه ایدلمشدر .

» لیوسیویل شهری نسوانندن برینک آیاغنه براینکه باتمش ایدی .  
بو اینکه طقوز سنه صکره مادامک اوچنجی چوجوغنک دیزدن  
چیقمشدر !

مادامک آیاغنه اینکه باتدیغی زمان کندیسنه [میس پولین  
فوبلن] دنیا بیر ایدی . مؤخرأ سیغاره فابریقه جیسی مستر ایساقله  
ازدواج ایتسندن ایوم مومی الیهایه [مادام هاری ایساق] دیرر .  
بومادام برکون اوزرینه اینکه دوشمش بر کجه نک اوسپنده یالین  
آباق کزدیکی صرده اینکه طبائنه باطوب تمامیه کومولمش ایدی .  
آرهدن بر خبیلی زمان مرور ایتش اولدیغی حالده اینکه مادامک  
وجودینی طوافه باشلار .

بش سنه اول مومی الیه ازدواج ایتکله کندیسندن اوچ چوجوق  
دنیا به کلیر . ایوم ایکی باشنده اولان اوچنجی چوجوغی [آرتور] ک  
تولدندن برآز اول مادام بوسرسری اینکه دن متأثر بولنیور ایدی .  
آرتور تولدینک اوائل ایامنده فوق العاده ساکت و غایت سویملی  
برچوجوق اولدیغی حالده برکون بردن بره خرچنلق و تیرلک اظهار  
ایتکله و بو حالنی کیتدجکه آرتیره رق والده سنی ایصیروب قوبارمغه  
باشلار . ایرتسی کونی مادام هاری ایساق چوجوغی ییقامق اوزره  
صویدیغی صرده بیچاره نک دیزی اوزرنده برسیاه نقطه مشاهده

ایده رک الیه یوقلا دیغنده سرد و اینجه بر جسم اولدیغنی حس ایدر ایتز  
 بر دیکن اولدیغنه و بناءً علیه چوجوغسک بر کون اولکی اوضاغ  
 مضطربانه سی بوندن نشأت ایلدیکنه حکم الیه بر جنبیر له چکوب چیقاریر.  
 چیقاریلان شی ایسه اینجه بر دیکش ایکنه سی ایدی! بوتک اوزرینه  
 قادین بر ندای تعجبله ذکر اولنان ایکنه تک ۹ سنه اول کنیدی آیاغنه  
 بان ابره اولدیغنی اعلان ایلر. »

### طب غزته سنک مطالعه سی

« بوحال مومی الیه به مخصوص بر مزاج خارق العاده دن ایلری  
 کلامش ایدی. بوحادثه تک قوه فعاله سی فیر یولوژی به متعلق بر خاصه در.  
 بناءً علیه فیر یولوژی وراثتی انکار ایدیه مز. یعنی والدته تک وجودنده  
 بر جسم اجنبی اولان [ایکنه] رحنده کی جنینه انتقال ایده ییلدیکی حالد  
 والدته تک خصائص و امراضنی چوجوغنده دخی کورمک طبیعیدر.  
 برنجی چوجوغنده کوریه مز ایسه ایکنجی چوجوغنده، ایکنجیسنده  
 دخی کوریه مدیکی حالد اوچنجیسنده، درنجیسنده مشاهده ایدیه جکدر.  
 مع هذا بر بطن وراثت تأثیر اتسدن مصون اولدیغنی حالد اوچنجی  
 بطنده آثاری بای حال ظهور ایدر. »

### ایضاح

ایکنه تک چوجوغه صورت انتقالی بزجه نه قدر غریب تصور  
 اولنورسه فیر یولوژی نقطه نظرده او قدر عادی بر کیفیتدر. زیرا  
 بر جسم اجنبی بروجوده سیر و طواف قابلیتنی حائز اولدقدن صگره  
 بدتک هر عضوینی طولاشدیه جکندن بوصره ده رحه دخی بالتصادف  
 واصل اولور. بناءً علیه جنینک وجودینی تشکیل ایدن اجمعه آره سنه  
 قارشقه بعدما کنیدی ایچون چیقارلمیجه اورادن انفکاک میسر اولمز.

یعنی رحم مادره قدر بول بولان ایکنه بو صورتله چوجوغلک مواد ترکیبۂ وجودی میانسه داخل اولغله بعدما کندیسی بشقه بر وجودده بولنش اولور.

بعض آدملر امراضک توارثی انکار ایدرلر .  
یا مادیات بوججهله بر وجوددن دیگر وجوده انتقال ایلدیکی حالده معنویات، یعنی امرجه و خواص و عوارض و امراض نه دن انتقال ایتسون؟

### بر عصردن بری تیاترولرده کی تلفات و مجروحین

| سنین | وفیات                             | مجروحین   |
|------|-----------------------------------|-----------|
| ۱۷۷۲ | آمستردام تیاتروسنده               | »         |
| ۱۷۷۸ | اسپانیاده سیراغوزاده              | »         |
| ۱۷۸۱ | پارسد پاله روایال اوپراسنده       | »         |
| ۱۷۹۴ | نانت تیاتروسنده                   | »         |
| ۱۸۱۱ | ریچموند تیاتروسنده (انکلترده)     | »         |
| ۱۸۳۶ | پتہر سبورغ لہمان تیاتروسنده       | »         |
| ۱۸۳۸ | ایتالیاده آنفو تیاتروسنده         | »         |
| ۱۸۴۵ | چینده قانتو تیاتروسنده            | ۱۶۷۰ ۱۷۰۰ |
| ۱۸۴۵ | قناده کیک تیاتروسنده              | ۲۰۰       |
| ۱۸۴۷ | باد دوقه لغنک قارلسروه تیاتروسنده | ۶۳ ۲۰۰    |
| ۱۸۵۵ | موسقووا اوپراسنده                 | ۶۵ ۱۱     |
| ۱۸۵۷ | ایتالیاده لیورن تیاتروسنده        | ۶۲ ۱۰۰    |
| ۱۸۷۲ | چینده تین - چین تیاتروسنده        | ۶۰۰ ۱۰۰   |